

20.11.51 Aaqqissuusseqqinnerit sunniutaat (Ingerlatsinermut aningaasaliissutit)

Missingersuutit immikkoortiteri

|  | AS 2015         | M 2016 | M 2017             | M 2018 |
|--|-----------------|--------|--------------------|--------|
|  | -- 1.000 kr. -- |        | ---- mio. kr. ---- |        |
| Ilanggaaseereerluni<br>anigaasartuutit | 0               | 37,7   | -16,1              | -22,1  |

Allannguutissat siunnersuut manna aqutigalugu missingersuutitut ilanngussami oqaasertaliussat kiisalu aaqqissuusseqqinnerit ilaasa aningaasaqarnermut sunniutissaa nalimmassarniarneqarput. Aamma 'utoqqalinersiaqartitsinermit aaqqissuusseqqinneq' aaqqissuuteqqitassat nutaat ilannguteqquneqarpoq.

Tullinguullutik allassimasut peeqquneqarput:

"Nutarterinissat sunniutissai paasissutissat ukiut isertitaqarfiusut siuliineersut aallaavigalugit naatsorsorneqarsimapput. Paasissutissat nutaat takkussuutisillugit nutartertillugillu sunniutissat naatsorsorneqaqqillutillu iluarsineqarumaarput, taamaammallu kontumut pingaarnermut matumunnga imaassinnaavoq aappassaaneerinninnissamut imaluunniit pingajussaaneerinninnissamut allannguutissat siunnersuummik saqqummiussisoqartoq."

Suliniut '1. Siusinaartumik pensionisiaqartitsisarnermik aaqqissuusseqqinneq' aaqqissuusseqqinnermut oqaasertaliussamut uku taarsiuteqquneqarput:

"

Inatsisartut 2015-imi upernaakkut katersuunneranni siusinaartumik pensionisiat pillugit inatsisissat siunnersuut nutaaq Naalakkersuisut saqqummiutissavaat. Inatsit nutaaq taanna aqutigalugu anguniarneqarpoq, siusinaartumik pensionisiaqartitsisarnernup inuit ataasiakkaat sulisinnaassusaannik naliliinermik aallaaveqartarnissaa. Inuit siusinaartumik pensionisisareersut 60-illu inorlugit ukiullit ukiut tallimat ingerlaneranni sulisinnaassusaat nalilersorneqassaaq. Sulisinnaassutsimik naliliineq aallaavigalugu aalajangersarneqassaaq inuk pineqartoq siusinaartumik pensionisiaqaannarnissamut pisinnaatitaanersoq, taamaappat inuk pineqartoq tamakkiisumik, akunnattumik appasinnerpaamilluunniit siusinaartumik pensionisiaqartinneqassanersoq nalilerneqassaaq.

Naatsorsuutigineqarpoq nalilersuinerup nassataanik siusinaartumik pensionisisartut 15 %-ii nalinginnaasumik suliffeqalissasut, piginnaangorsaqqinneqassasut imaluunniit oqitsumik suliffeqalissasut. Siusinaartumik pensionisisartut 70 pct.-iisa qaffasinnerpaamik pensionisisarnissaat, sinneruttullu 30 pct.-iisa akunnattumik appasinnerpaamilluunniit pensionisisarnissaat missingerneqarpoq.

Siusinaartumik pensionisisartut ilaat sulisinnaassutsiminnik nalilersuiffigineqarnermut ilaatillugu piginnaangorsaqqinneqassapput allallu sulisinnaassutsiminnik nalilersuiffigineqareerunik piginnaangorsaqqinneqassallutik. Siunertaavoq piginnaangorsaaqqiisarnermik aaqqissuusamut tunngatillugu Inuussutissarsiornermut, Suliffeqarnermut Niuernermullu Naalakkersuisoqarfiup aamma Iliniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup suleqatigiinnerisigut nutaamik eqqarsalernissaaq, tassa aaqqissuusaaq

sapinngisamik siammasinnerpaamik atorneqarsinnaangorlugu, tassunga assersuutigalugu ilanngullugit immikkut ittunik ilinniartitsinermi, inersimasunik ilinniartitsinermi assigisaannilu. Tamatuma saniatigut aamma siunertaavoq, Inuussutissarsiornermut, Suliffeqarnermut Niuernermullu Naalakkersuisoqarfimmik suleqateqarluni oqitsumik suliffeqartitsisarnermik aaqqissuussap nutarterneqarnissaa nutaamillu eqqarsaatigineqalernissaa, tassa assersuutigalugu inuit ikilisitanik siusinaartumik pensionisisartut oqitsumik suliffeqalernissaat ilaatinneqalerluni.

Aamma oqitsumik suliffeqartitsiniarluni, piginnaangorsaaqqinniarluni kommuninilu sullissisarneq pillugit suliniutit nukittorsarneqarnissaannut missingiisoqarpoq. Sulisinnaassutininik nalilersuinerneq atavillugu kommunit sullissinissaannut 3,2 mio. kr.-t immikkoortinneqarput. Aamma sulisinnaassutsimik nalilersuinerneq atavillugu naammagittaalliutininik suliarinnittartussaq siusinaartumik pensionisianut tunngatillugu naammagittaalliortarfiup pilersinneqarnissaanut aningaasanik immikkoortitsisoqarpoq.

Ataatsimut isigalugu siusinaartumik pensionisianik aaqqissuusseqqinneq 2016-imi 3,1 mio. kr.-nik, 2017-imi 2,6 mio. kr.-nik 2018-imilu 5,3 mio. kr.-nik aningaasartuuteqarfiunerussaaq. Missingersuinerneq tunngaviuvoq kommunit piginnaangorsaaqqiillutik suliaqarnerunissaat "

Suliniut '2. Pensionisiat tunniunneqarneranni akileraarusuineq:' missingersuutininik ilanngussami oqaasertaliussat uku ilannguteqquneqarput:

"Tamatuma nassataanik 2016-imit 30 mio. kr.-nik ukiumut isertitaqarnerusoqartalernissaa missingerneqarpoq."

Tulliullugu oqaasertaliussamik taarserneqarpoq Danmarkimi SKAT-mit paasissutissat pissarsiarineqartut pissutigalugit aamma inatsisissap 2017-imit aatsaat atuutilernissaata akuersissutigineqarnissaanik naatsorsuuteqarneq pissutigalugu:

"Tamatuma nassataanik 2017-imit 55 mio. kr.-nik ukiumut isertitaqarnerusoqartalernissaa missingerneqarpoq."